

Mustafa Kurtović, Daliborka Milović, Edim Fejzić, Emir Frašto i Sanel Mušović,  
delegati iz Bosansko-podrinjskog kantona Goražde u Domu naroda Parlamenta Federacije BiH

DOM NARODA  
PARLAMENTA FEDERACIJE BiH  
n/r Lidija Bradara, predsjedavajuća Doma naroda

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO

Primljeno: 14-12-2015

Org. jed.	Broj	Priloga	Vrijednost
02-14-	1619	15	

Na osnovu člana 177. i 178. Poslovnika Doma naroda Parlamenta FBiH na Prijedlog Budžeta Federacije Bosne i Hercegovine za 2016. godinu (broj: \_\_\_\_\_) od \_\_\_\_\_ godine, ulažem:

### A M A N D M A N I

U Budžetu Federacije Bosne i Hercegovine za 2015. godinu u razdjelu 16, na ekonomskom kodu 6141 Tekući transferi drugim nivoima vlasti-kantoni u okviru planiranog iznosa od 16.000.000,00 KM analitički definisati ekonomski kod 6141-Tekući transfer drugim nivoima vlasti- Bosansko – podrinjski kanton Goražde u iznosu od 5.000.000,00 KM te 6141-Tekući transfer drugim nivoima vlasti-drugi kantoni u iznosu od 11.000.000,00 KM.

### O b r a z l o ž e n j e

Budžetom Federacije Bosne i Hercegovine u predhodnim godinama planirana su sredstva za Bosansko-podrinjski kanton Goražde kao i za još neke kantone te se na taj način se Budžetu Bosansko – podrinjskog kantona Goražde obezbjeđivala odgovarajuća finansijska potpora – grant koja je još uvijek neophodna jer bi u slučaju izostanka granta Bosansko-podrinjski kantona Goražde došao u teško socijalno – ekonomsko stanje, što bi imalo za posliedicu i ugrožavanje daljnjeg ekonomskog razvoja Kantona pa čak i ugrožavanje dostignutog nivoa razvoja.

Naime iako je na području Bosansko-podrinjskog kantona Goražde u zadnjih nekoliko godina postignut značajan ekonomski razvoj isti je postignut prije svega zahvaljujući izvozno orjentisanim firmama koje povećavaju pokrivenost uvoza izvozom, te smanjuju vanjskotrgovinski deficit što je od interesa za državu u cjelini, ali poslovanje istih ne utiču na povećanje prihoda Bosansko-podrinjskog kantona Goražde obzirom da su izvozno orjentisane firme su oslobođene plaćanja poreza. Tako je iako je ostvaren značajan ekonomski razvoj u zadnjih nekoliko godina zabilježen pad prihoda a u narednoj godini se očekuje još veći pad istih što Bosansko-podrinjski kanton Goražde u slučaju izostanka granta dovodi u bezizlaznu situaciju pogotovo kada se ima u vidu činjenica da je to jedini kanton koji nema mogućnosti da se dodatno zaduži.

Pored toga bitno je napomenuti da je Nacrt Budžeta Bosansko – podrinjskog kantona Goražde za 2016. godinu planiran grant u iznosu od 5.000.000,00 KM te je na isti Federalno ministarstvo finansija u skladu sa Zakonom o budžetima u Federaciji Bosne i Hercegovine dalo pozitivno mišljenje. Međutim u Nacrtu Budžeta Federacije Bosne i Hercegovine za 2016. godinu nisu planirana posebna sredstva za Bosansko – podrinjski kanton Goražde već su na jednom ekonomskom kodu planirana sredstva za niže nivoe vlasti iako je Parlament Federacije BiH u 2014. godini usvojio Zakon o izmjenama i dopunama Zakona o pripadnosti

javnih prihoda kojim su Posavskom kantonu značajno povećani prihodi tako da je Bosansko-podrinjski kanton Goražde ostao jedini kanton kojem bi trebalo doznačiti grant u većem iznosu. Imajući u vidu navedeno a obzirom da niži nivoi vlasti podrazumjevaju sve kantone, iznos za određene kantone pa i Bosansko-podrinjski kanton Goražde koji bi trebao biti najveći korisnik tih sredstava na taj način nije određen niti odrediv što je neprihvatljivo jer ostavlja prostor za neizvjesnost, onemogućava blagovremeno i adekvatno planiranje te zbog same neizvjesnosti otežava socijalno-ekonomsko stanje.

Navedeno je neprihvatljivo i iz razloga što se grant doznačava radi fiskalnog izravnjanja na nivou Federacije Bosne i Hercegovine o čemu bi svakako trebalo da odlučuje Parlament Federacije BiH prilikom donošenja Budžeta a ne Vlada Federacije BiH svojim odlukama.

Zbog navedenog neophodno je planirati posebna sredstva za Budžet Bosansko – podrinjskog kantona u iznosu od cca. 5.000.000,00 KM kako ovaj Kanton ne bi došao u teško socijalno – ekonomsko stanje, što bi imalo za posliedicu i ugrožavanje daljnjeg ekonomskog razvoja Kantona pa čak i ugrožavanje dostignutog nivoa razvoja.

Bliža obrazloženja daćemo na sjednici Doma naroda.

Sarajevo, \_\_\_\_\_2016. godine

DELEGATI

  
Mustafa Kurtović

  
Daliborka Milović

  
Edim Fejzić

  
Emir Frašto

  
Sanel Mušović